

修訂日期: 2004/10/13 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 14, No. 491

原始資料: 蕭鎮國大德提供, 維習安大德提供之高麗藏 CD 經文, 闍學新大德輸入
◆沈介磐大德校對, 北美某大德提供

No. 491

六菩薩亦當誦持經

失譯附後漢錄

師子戲菩薩 師子奮迅菩薩 師子幡菩薩師子作菩薩 堅勇精進菩薩 擊金剛慧菩薩。

巍巍十方佛	堂堂聖中王
妙相三十二	眾好八十章
身出妙光明	普照諸十方
願身自歸命	稽首諸法王
巍巍十方佛	無極大慈悲
興立諸大誓	濟度諸群黎
多聞歡喜者	功德叵稱載
願身自歸命	稽首諸大哀
巍巍十方佛	功德不可量
慧如無量海	灌澤諸十方
其有聞名者	除咎消諸殃
歸命大智慧	稽首正覺王
巍巍十方佛	國土甚清淨
七寶為莊嚴	妙香栴檀形
悉純諸菩薩	亦無二乘名
唯說不退轉	般若之道英
巍巍十方佛	三世道之珍
其聞信樂者	疾成無上真
遊於菩薩道	堅住不退轉
所生常見佛	速值諸世尊
巍巍十方佛	三世之導師
志心懷恭敬	信樂無狐疑
所生常端正	顏容甚光暉
辯才慧獨遠	願禮天人師

別有四菩薩

此四大士。皆過去十方諸佛之師。此四大士。初始造行之時。發大誓願言。我當度一切眾生。至其都得涅槃。然後當取佛。以是故應誦念誦持。得無量無邊功德至不退轉。譬如三千世界盡虛空滿中紫磨黃金。用之布施。不如一須臾之間誦念此四大士名。其所得功德。出過爾所黃金施上。千億萬倍。其名曰。

棄陰蓋菩薩 寂根菩薩 慧威菩薩 不離菩薩。

六菩薩亦當誦持經